



Pele Broberg
Inatsisartuni ilaasortaq, Partii Naleraq

Akissuteqaat, § 37 naapertorlugu apeqquteqaatinut nr. 294-imut, - NI Nuummi ilinniartitaanerit pillugit

12-09-2019
Sagsnr.2019--18968
Dok. nr. 10941081

Asasara Pele Broberg,

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nanoq.gl

Qujanaq apeqqutigisannut, Inatsisartut suleriaasianni aalajangersakkat naapertorlugit saqqummiussannut. Taakkua uani ataani akissuteqarfigissavakka.

Apeqqut 1: *Niunermik Ilinniartuup Naalakkersuisoqarfiullu 2017-imi isumaqatigiissutigineqarsimasoq 2017-mi qanoq imaqarpa?*

Akissut:

Aallarniutugalugu ilisimatitsissutigineqassaaq ilinniartitaanerit pineqartut nutaat marluk aallartinneqarnissaat pillugu immikkut isumaqatigiissuteqartoqarsimangimmat.

Ilinniartitaanermik Naalakkersuisoqarfiup aamma NI Nuuk siulersuisuisa akornanni november 2017-imi oqaasiinnartigut isumaqatigiissutigineqarpoq periarfissaq NI Nuummi pilersitsinissamik erhvervsakademi-mik, tamatumani aamma niuernermit BA-mik ilinniartitaanerik pilersitsisoqarsinnaanissaa sulissutigineqassasoq.

NI Nuummi siulersuisut naliliinerat naapertorlugu ilinniartitaanerik pineqartunik pilersitsinissat periarfissaassapput 1. januar 2019-imiit, BA-mi hold-inik siullernik august 2019-imi aallartitsinikkut, pissutsit assigiinngitsut inatsisinut, aningaasaqarnermut aammalu fagitigut sammisassanut tunngasut tamarmik qulaajaavineqarsimappat aalajangersarneqarsimallutillu. Pissutsit pineqartut suli qulaajaavigalugit naammassineqanngillat.

Inatsisitigut, aningaasaqarnikkut aamma fagitigut kingunerisassai qulaajarumallugit, suliassap tigussaannerusumik aaqjissuunnissaa sioqqullugu, immaqalu ilinniartitaanerit neqeroortigineqarumaarneri sioqqullugit, aalajangiunneqarpoq suleqatigiissitamik 2018-imi pilersitsisoqarnissaa, pissutsit siuliani eqqaaneqareersut qulaajarnissaannik aaqjissuussaanermilu unammilligassat suussusilersornissaannik siunertaqartumik, erhvervsakademi-mik immaqa pilersitsisoqannginnerani. Suliassamut piffissaliussaq tassaasimavoq 2019-ip upernaava, pisariaqarpat allannguutissanik imaluunniit inatsisitigut killiliussassanik nutaanik Inatsisartut upernaakkut 2019-imi ataatsimiinneranni saqqummiussisoqarsinnaaqqullugu. Taamaattorli suli maanna suleqatigiissitassap

suliassaanut allassimaffik sularineqarpoq, taamaattumillu suleqatigiissitaq suli sulilersimanani. Tamanna tunuliaqutaralugu Naalackersuisoqarfiup tungaaniit ilimagineqarsimanngilaq BA-mi ilinniartitaanernik august 2019-imi neqeroortisisoqarnissaa aallartisisoqarnissaalu. Suli pilersaarutigineqarpoq siuliani siunertaasoq tunngavigalugu suleqatigiissitamik pilersitsinissaq.

Apequt 2: *Ilinniartussat aqqaneq-marluk ilinnialernissaminut akuerisaasimasuugluit ilinniarnissartik aallartinniarlugu arlaanni periarfissinneqarniarpat?*

Akissut:

Ilinniartitaanermut Naalackersuisoqarfiup NI Nuummut peqqussummini ilinniartitaanerit pineqartut unitsinneqarnissaannik aamma erseqqissaatigaa ilinniarfiup ilitsersuinissamut pisussaaffeqarnera, ajoqusiineq annikinnerpaaffissaminiitsikkumallugu, taamannalu NI Nuummiit qularnaaqqullugu pisumi attorneqartut tamarmik ilitsersorneqassasut suliffissanut imaluunniit ilinniakkanut allanut.

Pingaartikkakkulu qinnuteqarsimasut 12-it ingerlaqqinnissaminut siunnersorluarneqarnissaat aamma NI Nuummi siulersuisut ataatsimeeqatigivakka, immikkullu tassani sammillugu pineqartut ilitsersorneqarnissaat, aammalu siunissami ilinniartitaanernik neqerooruteqartarnissamut periarfissat pillugit.

Inussiarnersumik inuulluaqqusillunga



Ane Lone Bagger